

STYRESAK

GÅR TIL: Styremedlemmer
FØRETAK: Helse Vest RHF
DATO: 12.08.2019
SAKSHANDSAMAR: Kjell Einar Bjørklund/Terje Arne Krokvik
SAKA GJELD: **Helikopterbase ved SUS2023, forprosjekt**

ARKIVSAK: 2019/7826
STYRESAK: **089/19**

STYREMØTE: **05.09. 2019**

FORSLAG TIL VEDTAK

1. Styret i Helse Vest godkjenner forprosjektrapporten for basebygg SUS2023 og at prosjektet kan gjennomførast innafor ei kostnadsramma på 57 mill. kroner i 2019 kroneverdi.

Oppsummering

Styret i Helse Stavanger anbefaler at basebygget for ambulanshelikoptra blir etablert ved det nye sjukehuset på Ullandhaug. Administrerende direktør vil med utgangspunkt i forprosjektrapporten for basebygg SUS2023 tilrå at prosjektet blir godkjend innafor ei samla kostnadsramme på 57 mill. kroner i 2019-kroneverdi.

Fakta

Luftambulansen i Stavanger har i dag eit basebygg på Våland i tilknytning til sjukehuset. Dette basebygget er eigd av NLA Solutions, eit dotterføretak av Stiftelsen Norsk Luftambulanse. Bygget blir leigd ut til Helse Stavanger HF og Luftambulansetjenesten HF.

I forbindelse med bygging av nytt sjukehus på Ullandhaug, er det planlagd for nytt basebygg for luftambulansetenesta i Helse Stavanger. Dette for at ambulanshelikoptra skal ha sin naturlege plass for landing- og stand-by ved sjukehuset, med unntak av nytt redningshelikopter som har stand-by stad ved Stavanger Lufthavn Sola.

Kommentarar

Helikopterlandingsplassen på Ullandhaug er dimensjonert for å ta imot begge type helikopter.

Helse Stavanger legg til grunn at basebygget ved nytt sjukehus blir eigd av Helse Stavanger HF og leigd ut til luftambulansen.

Mandatet for forprosjektet har vært å utarbeide eit basebygg med eit rom-program i samsvar med normene som er utarbeida av Luftambulansetenesta. Basebygget er i utgangspunkt ikkje inkludert i det nye sjukehuset på Ullandhaug. Det er frå Helse Stavanger si sida føresett at basebygget skal finansierast med lån frå Helse Vest, og at leigeinntekter frå luftambulansetenesta skal dekke renter og avdrag på lånet.

Investeringskostnaden i forprosjektrapporten er estimert til 54 mill. kroner i 2017-kroner. Dette er berekna til å utgjere 61 mill. kroner i 2023-kroner.

Styret i Helse Stavanger behandla sak om Forprosjektrapport basebygg SUS2023 i møte den 4. mars 2019. Det vart fatta følgjande vedtak:

- 1. Styret i Helse Stavanger HF godkjenner forprosjektrapporten for basebygget og gir sin tilslutning til at det søkes om lån på 61 millioner, tilsvarende estimerte investeringskostnader i løpende kroner frå Helse Vest RHF for å finansiere byggingen av basebygget.*
- 2. Saken oversendes til Helse Vest RHF for endelig behandling av rapporten og lånesøknaden.*

Helse Stavanger har i brev datert 24. april søkt Helse Vest om internt lån på 57 mill. kroner i 2019-kroneverdi.

I følge gjeldande investeringsprosedyre skal prosjekter/kontraktar med ein verdi over 50 mill. kroner bli førelagt styret i Helse Vest RHF til godkjenning etter gjennomført forprosjekt.

Administrerande direktør vil med basis i Helse Stavanger sitt styrevedtak i sak 20/19 tilrå at prosjektet blir godkjend av styret i Helse Vest.

Eventuell tildeling av internt lån til prosjektet blir behandla i eiga sak.

Konklusjon

Administrerande direktør vil tilrå at forprosjektrapport basebygg SUS2023 blir godkjend og at prosjektet kan bli gjennomført i samband med nytt sjukehusbygg på Ullandhaug. Tildeling av internt lån blir avklart i eiga sak.

Vedlegg:

- 1 04.03.19 SUS2023 forprosjekt basebygg
- 2 Styresak 20-19 Forprosjektrapport basebygget SUS2023
- 3 SUS_Basebygg 25.05.2018 - prosjektbok
- 4 Helikopterbase - Perspektiver eksteriør 1
- 5 Helikopterbase - Perspektiver eksteriør 2
- 6 Helikopterbase - Perspektiver interiør
- 7 Helikopterbase - Plan 01
- 8 Helikopterbase - Plan 02
- 9 Helikopterbase - Plan 03